

KERATAN AKHBAR

TARIKH : 20 DISEMBER 2022
AKHBAR : UTUSAN MALAYSIA
MUKA SURAT : 36

Malaysia rekod jumlah dagangan RM238.2 bilion

Malaysia rekod jumlah dagangan RM238.2 bilion

PETALING JAYA: Jumlah dagangan Malaysia berkembang 15.6 peratus kepada RM238.2 bilion pada November lalu, daripada RM206.1 bilion tempoh sama tahun sebelumnya.

Jumlah dagangan mencatatkan pertumbuhan positif untuk bulan ke-24 berturut-turut sejak Disember 2020, menurut Jabatan Perangkaan Malaysia (DOSM).

Ketua Perangkawan, Datuk Seri Dr. Mohd. Uzir Mahidin berkata, eksport Malaysia mengekalkan pertumbuhan pada November 2022, disokong oleh

peningkatan eksport domestik dan eksport semula.

Kata beliau, eksport domestik bernilai RM104.1 bilion menyumbang 79.9 peratus kepada jumlah eksport, meningkat 10.5 peratus tahun ke tahun.

“Selari dengan itu, eksport semula berjumlah RM26.2 bilion (20.1% daripada jumlah eksport), meningkat 41.8 peratus. Seiring dengan prestasi eksport, import pada November 2022 juga mencatatkan pertumbuhan dua angka 15.6 peratus daripada RM93.4 bilion pada November 2021 kepada RM107.9 bilion.

“Lebih dagangan kembali mencatatkan peningkatan 15.6 peratus kepada RM22.3 bilion berbanding November 2021. Walaubagaimanapun, berbanding Oktober 2022, prestasi jumlah dagangan, eksport dan import menunjukkan penurunan, manakala lebih dagangan meningkat.

“Jumlah dagangan menyusut 2.8 peratus, didorong penurunan eksport (-1.0%) serta import (-4.9%). Lebih dagangan mencatatkan peningkatan 23.5 peratus,” katanya dalam kenyataan.